

Politika

■ EAJk utzi egingo du Europako alderdi popularra, euren betiko ildo politikotik aldentu dela iritzia diotelako • 6

■ Legarretaetxebarriari ez diote baldintzapeko askatasunik eman, 25 urteko zigorra izan eta 20tik gora beteak dituen arren • 7

■ 'Zabalza kasua'

Zabalza Intxaurrenondon hil zelako bertsioa sendotu egin du komisario baten deklarazioak • 9

gizartea

■ Xuxen II euskarazko zuzentzaile ortografikoaren bertsio berria aurkeztu dute • 12

ekonomia

■ Sindikatuek eta zenbait alderdik bizkarra eman diote Ibarretxeri Kontzertuaren defentsan

EAEko lehendakariak adierazpen instituzionala irakurriko du gaur Kontzertuaren defentsan, baina ELA, LAB eta UGT sindikatuak ez dira izango Lehendakartzan, ezta EH, PP eta UA alderdiak ere. • 18

mundua

■ Pekinek neutroi bonba duela onartu izanak gerra giroa piztu du Txina eta Taiwanen artean • 25

kultura

■ Lertxundi eta Atxagaren hitzaldia

Anjel Lertxundi: «Erreferentzia kultural ezberdinetako irakurleak hunkitzea da gure erronka» • 39

Ipar Irlanda; Bake prozesua kolokan ♦

Unionisten boikotak prozesua berrikustera behartu du berriz

UUPko kideak ez ziren azaldu batzarrera, eta Londresek Exekutiboa desegin zuen

■ IPAR IRLANDAKO gobernu autonomoa osatzekoa zen atzo, baina UUP alderdiko kideak ez ziren azaldu batzarrera, eta euren boikotak gobernuaren desgitea eragin zuen, nahiz eta hasiera batean Mo Mowlanek ministro izendatu alderdi errepublikanoetako kideak. Ordea, unionisten boikotak, gobernuaren desgitea ezezik, bake prozesua berriro aztertzea behartu zituen Londres eta Dublin. Hala, Ostiral Santuko Akor-

dioko bi puntu, desarmearena eta gobernu osaketarena, berriz aztertuko dituzte Blair eta Ahernek. Bi gobernuburuak

datorren astean bilduko dira aurrera begira egin beharrekoa aztertzeko. Unionistek ukoak eta jarrera hertsia nazionalisten haserre eta amorrua sortu zuen, eta, ondorioz, SDLPko Seamus Mallonek utzi egin zuen Ipar Irlandako lehen ministrorde kargua. David Trimble unionisten buruzagiak, berriz, esan zuen bake prozesua ez dela hautsi behar behin-behingo «albo batera utzi baizik» • 21-22

• Tim Attwood •

SDLPko BOZERAMAILEA



• «Unionistak oso oker daude uste badute bake prozesua geratu egingo dela» • 24-25

XOUSA SIMAL



Sopelak ohorez hartu du herriko alaba

■ JOANE SOMARRIBA-K nekez amestuko zuen herrian, Sopelan, atzokoa bezalako ongiatorririk egingo ziotela inoiz, baina herriko alaba batek Giroa irabazteak harrotasunez bete du Sopela, eta, horregatik, ohorez hartu zuten atzo txapelduna. 19:20 inguruan, txirrindulariek ohorezko pasiloa egin eta

udaletxean sartu zen Somarriba. Balkoitik, hiru hitz baino ez: «Eskerrik asko denoi!». Ondoren, sabairik gabeko auto gorri batean, Larrabasterra auzora jo zuten, bertako festetara. Somarribak berak egin zituen pregoilari lanak, koadrila, fanfarrak eta txistularien babesean. • 27